

Виктор
Напалков

ТУЙВЕЖЪЯС

Виктор Напалков

ТУЙВЕЖЪЯС

*Кывбуръяс,
поэма*

Сыктывкар
Коми книжнӧй издательство
1986

Рецензент Г. Г. Бараксанов

Напалков В. Е.
Н 68 Туйвежъяс. Кывбуръяс, поэма.— Сык-
тывкар: Коми книжнӧй издательство,
1986.— 80 л. б.

Виктор Егорович Напалков чужис-быдмис Эжва йылын. Джеджим сиктын. Сылӧн кывбуръясыс петалисны нин «Куим сыланкыв» нима ӧтласа книгаын 1977 воын.

Сылӧн эм аслас тема, аслас вывтас и увтас. Эжва йыв-
лӧн мелі шыыс, война кадса челядьдыр шогыс и лачаыс,
лыдтӧм йӧзкӧд вочаасълӧм-аддзысълӧмъяс чуктӧдісны ги-
жысълӧн сълӧмысь тайӧ книгасӧ. Сборникас — нель юкӧн.
Бӧръя юкӧнсӧ артмӧдіс поэма, код серти и нимтӧма став-
нас книгасӧ.

С (Коми)


Н $\frac{4702290000 - 004}{M 128(03) - 86}$ 23 — 86 м

© Коми книжное издательство, 1986.

Пөртмась, чужан му!



Дона Рөдина — паськыд чужан му,
Ассым мамөс моз көсья сывьявны,
Муса нывлы моз тэныд чужтыны
Ыджыд бур сиём сыланкывьясөн:
Медым юрсиыд өвтіс шондіён,
Банйөм вом дорыд — рудзөг нянь көрөн,
Алөй бандзібйыд — гоҗся шоныдён,
Ыджыд морөсыд — юмов мам йөлөн,
Уджач киясыд — мулөн ньылөмөн;
И став мир пасьта медым нималін
Няня-сола шань олөм-вылөмөн.



Асыввывсянь туйө мөдіс
Шонді,
Йөзлысь синьяс долымөдіс
Шонді;
Ошиньясын ворсө-йөктө
Шонді,
Лысва вылысь вота-өкта
Шонді;
Эжва кывтчөс лөня уйө
Шонді,
Еджыд гулю гөптысь юө
Шонді;

Нэмъяс ыпйö тшынтöм бинас
Шондi,
Вошан вөрö — туйсö индас
Шондi;
Сöвет муöй ставнас менам —
Шондi,
Югөръяснас кызьöд нэмсö
Шонтö.

МЕНАМ ПАРМА

Кисьмöм льöм синъяса, коляоз вом дора,
Бандзибъяд кыалөн ворсöдчысь сер.
Быдтан да лелькуйтан ныв-питö моздорад,
Дзоридзьяс быдтö кыз тувсовъя эрд.

Мойдын кодь мичлуннад ылöдз зэв тыдалан,—
Тэтöг ме сьёлöмлы ог аддзы ин.
Йöлöга горён тэ, донаöй, шыалан —
Важъя зырянкалөн радейтчанин.

КОР МЕ ВОА КУЛÖМДИНÖ

Чужан сиктыд — кага потан.
Чужан сикт мем быттьö рай.
Эжва шывгö паськыд ота,
«Öввö» сьылö вадоркай.
Чужан сиктыд — мамлөн гөлöс,
Пöрысь пöчлөн важся мойд.
Янсöдчигад, көть и чöла,
Гортад колян синва войт.

Кор ме воа Кулөмдинө,
Нимкодьйла ышмө лов.
Менам сьолөм сэки инын,
Сэссия-й унаыс оз ков.



Ывла вылыс быттьö көзöд —
Ыркыд руөн пöльтö.
Көнкө туйын локтö Көдзыд...
Кызд нө Мороз-пöльтөг?

Медводз вөр-ваыскөд сийö
Пöся чолөмасыс:
Дорас юяс зумыд йиөн,
Поньталас лым пасьөн.

Еджыд чөвлун ваяс сьөрсыс,
Унмовсясны эрдъяс.
Кыас тöлысьлөн шöвк шöртгыс
Öшиньясö серъяс.

Сэссия аслас чорыд киөн
Китö пöся кутлас,
Мый и вурун кепыс пиын
Чуныд весиг турдлас.



Сэтшөм лөнь, мый тиньгö весиг пеляд.
Сьолөм сьылö югыд сьыланкывъяс.
Кодзувъясыс — быттьö посни челядь —
Куткыртчöны енэжыслөн сывъяс.

Мулысь воксö —

Марс планета аддза,

Со Венера —

Мулöн воча чойыс.

Тöлысь джын сэн — быттьö паркын качай,

Качайтчö кён Мороз-пöлькөд войыс.



Көдзыдысла ёнтö лы-сьём,

Көть и чизыр төв оз пöльт.

Пуяс костын шковгö-луйсьö

Скөр көзяин Мороз-пöль.

Трубаясысь съöd тшын пуркйö,

Аслас төждөн олö сикт.

Öшинь улын варов уркай

Меным лыддьö ассыс стих.

Пу вож вылын чипсö-йöктö

Гöрд галстука ичöt жонь.

Чужан муас зверь и пöтка

Тöдö аслыс мич и дон.

Пими көмөн ветлö йöра,

Тшапа гогйöдлывлö юр.

Шоныд горсйын кольяс бöрйö

Пушыд тупыль бöжа ур.

Туган йылын дозмөр ворсö

Зверь-пöткалы кыпыд вальс.

Кызлысь зэлыд еджыд морöс

Тупкö пужйысь кыём шаль.

Еджыд шапкаа, дзор тошка,
Гөрдов дөрөм-гача пыр,
Кыддзөс сывйыштөма пожом —
Быттьö Пера-багатыр.



Лым улысь бара мездысьöны муяс.
Ру пиод келö мөдлапöвса вөр.
Ас чужан муой во гөгөр мем муса,
Но тувсов муслун сьөлөмө оз төр.

Бадь кустьяс пөвстын кылö шорлөн сяльгөм,
Ю вылын тулыс поткөдлө лөз йи.
Шөвк шылыд юрсö мыччö берба-баля,
Кольк кышысь быттьö петö чипанпи.



Кыпыд сьөлөма, дзулькйысь эбöса
Локтö тулысыс миян Войвылө,
Зарни шердынысь паськыд эрдьясö
Шондi югöрсö содзнас коялө.

Тулыс-гөстяй мойдса платтьöа:
Гөгөр вералö, вурсö бисерөн.
Сылөн томлунысь, лөсьыд статьялунысь
Весиг кельдыштö төлысь-исерга.

Сылөн лов шыысь ставөн кыламö
Ас ног шудаа сьөлөм шоналөм.
Тулыс восьлалö лэбач сьылөмөн,
Лыддьö нимкывъяс ныла-зонмалы.

Шоньд зэр бөрти нимкодъ кӱдзысьлы —
Петӱ ыб вылӱ кыпид сьӱлӱмӱн.
Туӱм Эжваын шондӱ кӱчасьӱ,
Гӱрдлӱ ывлаыс кӱрт вӱв гӱлӱсӱн.

Волӱс тулысыс лунвыв саридзсянь
Паськыд бордьяса еджыд дзодзӱгкӱд.
Тулыс восьлалӱс мян парматӱ
Киас лӱм пулӱн еджыд дзоридзӱн.



Тулысыс дзоридзьяс гожӱмлы вӱзйӱс.
Пармалӱн оз орлы нӱмчӱжся мойд.
Келььдлӱз бордьясӱн кокниа ӱшйӱс
Куньлытӱм синьяса дженььдик вой.

Кыаыс садьмас да сьавкнитас югӱр —
Ывланас пӱттӱдзыд радлыны пет!
Эжваӱ чӱвтлан кӱ самавтӱм вугыр,
Кудриа кымӱр сӱсь пысаяс тӱд.

Сӱстӱма мыссьӱма, мыччысьӱ шондӱ,
Лысваӱн пӱртмасьӱ юбокса видз.
Енӱжыс быттьӱкӱ паськыд лӱз зонтик,
Шевгӱдӱ юр весьтӱ воймывтӱм мич.

Вый сывдан пӱраӱ йӱз дыр оз узыны,
Видз вылын жуӱны верстьӱ и том.
Сьӱлӱмнас войтырыс некор оз усьны.
Гортнысӱ вежлывлӱ кырайьвса чом.

...Весьт кузя гожӱмыс тӱрыба рӱдтӱс.
Чужӱмӱ льякысис войывьвса гож.
Чардбиысь дугдӱс нин потласьны вӱртас,
Дзоргӱ гӱрд синьясӱн пельсь пу вож.

УДЖАЛАН ДА ШОЙЧЧАН ЛАГЕРЫН

Талун ывла кага дум кодь сөстөм,
Енэжлөн лөз рөмыс юөн кывтө.
Эжва вылын шондї бипур öзтө,
Ныв-зонмыскөд радөсь джыдж и пыста.

Нюжөдчөма видз крут берег дорөдз.
Коса шыысь чуналөма пельыд.
Гөгөр дзоридз. Гыалө шөвк дзоридз —
Ясли-садйын быттьө варов челядь.

Рытгорулын юргө гажа сьылан,
Йөлөгайн лэбзьө Эжва пөлөн.
Том йөзыслөн морөсысь ме кыла,
Қызди тiпкө гожөмлөн пөсь сьөлөм.



Қиын сөн кодь, лөз да чукля,
Вөрөд кывтө ёлыс.
Ывла гажнас морөс чукья,
Көть и оз сьыв колип.

Ягыс горнича кодь югыз,
Нитшкыс — сьлөн кудри.
Рыжөй понтшак берин вылас
Қоялө со пудри.

Тані сиасьлөма коркө
Сиктса мужикулов.
Сирөд чөвлун менө корө
Өні татчө пувла.

Тонё коз пу — быттьё батьёй—
Чөстуй вылас шойччө.
Киын чуман, мышкын пестер,
Муна сылы воча.

Асья руыс табак тшын моз
Коз пусяньыс кыптө.
Лысва пиын мыссьём пельыс
Ловъя биён ыпйё.

Ёлыс бокин — быттьё дөва —
Бадь пу кисьтө синва.
Лөсьыд жө нин — абу өвад,
Коддзан, оз ков вина.

Кисьмём пувъя дзулөн отыс
Сотё-ёрё синьяс.
Арлы соддзас койё вотёс
Ассьыс югыз киньяс.

НИОРЫН

Вөр-пу йылөд шондї уйё,
Миянкөд жө вотчө.
Сімём нюрыс турипувйын
Көдзыд биён сотчө.

Сэсся воліс кынёмпөтла
Азым өшкәмөшка,
Турипувсө зіля өктіс
Сизим рөма көшас.

Оз ков тані ау!-кайтны,
Шөпкөдчөмыд кылө.
Гожөмыслөн сылан ваймис,
А ме — сыла.



Зарни корйыс өти бөрся мөд
Пельпом вылө бергалігтыр усьө.
Вотөсысь да тшакысь арыс пөт,
Лун югыдыс регыдджыкөн кусө.

Чужан муысь быттьө бөрдігтыр
Ылө-ылө шлывгө тури кельөб.
Лэбачьяслы киөн өвта дыр,
Янсалам өд бара вель дыр кежлө.

Арлысь лов шы сьөлөмөй пыр видз,—
Нэм чөж коля пармалөн өд пиөн.
Арся сөдз поэзиялөн мич
Гулыд ягын ыийө гажа биөн.

Сывны кутас пышкай лунысь-лун
И оз падмөд сійөс слөт ни, пуж ни.
Ылі муө сійө тась оз мун:
Өти сиктын пышкайыскөд чужлім.

Гажөдасны менө сьөла-тар
Гортө кольысь лэбачьяслөн хорын.
...Өтитор мен жаль: со рыжөй ар
Кывбур гижигкості лоис дзорөн.

ДЗОДЗӨГЪЯС

Кымөр сайсянь со горзөны дзодзөгъяс,
Кузь туй вуджигөн вынсяліс борд.
Туйсө лунвылө индісны кодзувъяс,
Бөрсө лэбигөн төдөны горт.

Ошинь-өдзөстөм налөн көть позьясыс,
Чужан муыслөн шонтас пөсь сыв.

Гөснеч пыддиыс юсь-дзодзөг гозъяяс
Татчө вайоны выль сыланкыв.

Медым му вылын олөм эз помасьлы,
Найө быдтысьны локтöны век.
Посни пьянсö вердöны вомсьыныс —
Нёнпом кага кодь лэбачпи сэк.

Да и йöзыс öд нырчöны сы ради,
Водзö томмöдны мед вöльнöй свет,
Челядь гөлöсөн йөлöга кыпыда
Став му пасьтаыс юраліс мед.

СЬÖЛОМ ЮАЛÖМ ВЫЛÖ ВОЧА КЫВ

- Кодыр медгажа тэн вöльнöй светас?
- Зөлöt-кага кор мам морöс бердас.
- Медся мичаён мый лыддян, пиук?
- Шонді югöрыс пестöм яр бипур.
- Енэж вевт улас мый медся муса?
- Кокув му, коді Пармаён шусьö.
- Кутшöм сыланкыв меднебыд шыа?
- Лэбач гөлöсөн сылö кор кыа.
- Кодыр овлан тэ зумышöн, норөн?
- «Война» кывйысь кор Му шарыс дзормö.
- Земля-матилы мый эськö сиин?
- Шондібанöс мед некор эз вины!

1.

Асъя шондікөд ывлао пета,
 Черөн тотшкөны татөн и сэн.
 Кыла: градвывса өмидз и сэтөр
 Кекеначөны коръяснас мен.

Найөс юктала дэбыдик ваён,
 Кыдз быд ловъялөн — косьмө жө горш.
 Öвтө татөні муён да маён,
 Тырмө татөні гажлун и гож.

Бытьё мазилөн пелькиник позъяс —
 Лун-лун кыпалө выль керка сруб.
 Киад черыд кө кокниа ворсө,
 Тайё уджыс тай зэв на и люб.

Кодзувкотъяс моз мырксьөны йёзыс,
 Лунтыр сьөлөмыд шонді кодь яр.
 Пышкай купайтчө енэжса лёзын,
 Быдмө Морово — кодзувкот кар!

2.

Енэжа-му костас сэтшөм чөв,
 Лөнълунсө көть босьт да көшысь ю.
 Шоньд пася шойччө көдзыд төв,
 Көч бөж шарпа узьө Қылтым ю.

Ыркыдысла чужөм сотчө дон,
 Керка нитшкөн пышкай дөмлө поз.
 Йөрын öзйө гөрд бантика жонь —
 Мыччысьөма бытьё град выв оз.

Вөралысьлы моз поэтлы
 Колёны сюсь синъяс.
 Ачым кыйсьысь рёдысь петлі,
 Урлы стёча инма.

Сёмын кийё оз тай кыпты
 Зверь-пёткасо кыйны.
 Сьёлём вылын сэтшөм кыпуд:
 Кывбур кута кыны.

Быттьё сорлалёмны спиртён —
 Сынёдыс зэв чорыд.
 Лым чир сотчө кёдзыд дзирдён,
 Кылё сизьлён дорччём.

Лымъя эрдыс — зыбка-потан,
 Пожём-кыддзыс — лайкан.
 Весиг оз увт талун понийёй —
 Читкыль бёжа Лайка.

Югыд чөвлунсё ме юа,
 Юа ыркыд ягас.
 Еджыд рузум пиын муыс
 Узьё, быттьё кага.

ПЫЖЫН

Шонді жарсё солькйёдлёны джыджъяс,
 Жбырьялёны миян весьтын дзык.
 Гётырйөкөд кывтам ветки пыжын.
 Али ачыс катё чужан сикт?

Шылыд видзьяс шевкнитӧмны сывсӧ,
Кӧвдум кодьюсь турун юрьяс со.
Орчӧн кызьяс — быттьӧ мудзӧм нывьяс
Куртӧм бӧрын кокньӧдӧны лов.

Налы шондӧ кыӧ зарни кӧса,
Морӧснысӧ ыркӧдыштӧ тӧв.
Налы енӧж койӧ югид лӧзсӧ,
Эжва юыс на водзын со шӧвк.

Лӧбач тивзӧм сьӧлӧманым сидзӧ,
Гӧгӧр ворсӧ гожӧмыслӧн нюм.
Венеч улӧ сувтӧм ныв кодь мича
Берегсянныс ӧвтчӧ чужан му.

Ӧвтчӧ-сьылӧ быттьӧкӧ жар-птица,
А ме быттьӧ лыддя-кывза мойд,
Кӧн ме — сар, а гӧтырӧй — саритса,
И кӧн лӧжыс абу весиг войт.

ВАЖ ВАЛЬС

Шондӧ помалис лунтырья удж,
Ывла лоис кыз пӧдлалӧм книга.
Чужан му, ӧнӧ личӧдышт мудз,
Менам пельпомӧ мыджсьышт тшӧтш кинад.

Сьӧд чернила кодь шевкнитчис вой,
Гижан перӧӧс чуткыла сӧтчӧ,
Медым кывбурӧ вӧр-валӧн мойд
Югид строкаӧн зумыда зӧвтчис.

Вөлі гожомыс ыркыд,

но жаль:

Өдйө восьлаліс тшайпода кокнас.

Парма йөктө нин арся важ вальс,

Өвтчө кияснас, назөдчө вомнас.

Менам съөлөмөй ланьтөма чөв,

Кывзө кадыслысь гөлөссө-горсө.

Кылө пос помын шычкиртө төв,

Дзебсьөм гожөмсө быдлаысь корсьө.

Сөмын вой төлыс корсьысьө весь,

Видзө весьшөрө ассыс вын-эбөс:

Көдзыд төлыс мед эз кынтав, эз,

Аслам кывбурө гожөмсө дзебн.

ОЛӨМ

Важөн помасис чарөма мартыс,

Шонді азыма синъясөс ёрө.

Кыдзлөн пөльтчөны томиник гарьяс,

Быттьө нывкалөн гөррдзасьө морөс.

Ывла өтарө югыдөн туис,

Кыдзлөн пудпаса чужөмыс кельдө,

Небыд төв улын ружтыштлө пуыс —

Сьөкыд чужтыны мездор тыр челядь.

Со и смякмунис-чужис выль петас,

Примит, матушка кыддзөй, пось чолөм.

Тайө пөралы мөд ним кө сетны,

Эськө сеті ме ним сылы: Олөм!



Пармаын абу ме попö,
Чужлісны пöль тані, пöчö.
Ме водзын кыз кока гобыс
Ачыс гöрд шапкасö пöрччö.

Пельпомö лапкөдö кинас
Енэжсö люкалысь пожöм.
Сир дукон нöгыльтöм вина
Вийöдö яг шöрас гожöм.

Винасьыс лоöма кыйсьысь
Коз пу кодь винёв да сирöд.
Пöрысьöдз оз юкав лы-сьöм,
Ачыс кө вöр-ваыс вирад.

Чуманöн восьлала вөрöд,
Мый бара яг саяс эм-а?..
Мед эськө съöла и йöра
Пармаын олісны нэмьяс.

Бытьöкө ыджыд театрын —
Музыка яг пасьта кылö.
Тулысын, тöлын и арын
Аслысног быд лэбач сылö.

Зэвтчöмны пуясыс костö
Сэн и тан черань вез-сияс:
Бытьöкө Нёбдинса Виттор
Зэвтöма сигудök сіяс.

ӨТЧЫД ВÖРЫН

Гажа ягъясті дыр ветлöм бöрын
Койтысь дозмөрöс пищальысь лыйн.

Вөрлысь сёрнисö орöдiс шöри
Гора йöлöга омлялiгтырйи.
Месянь неылын сулалысь пожöм
Видчан гöлöсөн дугдывтöг шувгис.
Воддза радлунöй кытчöкö вошис,—
Быттьö пармаыс ме вылö увгис.
Öти сыйлысьöн гöльмис ас вөр-ва,
Матын шогалис-бöрдiс мöд сыйлысь.
...Сэксянь пищальöн ог нин ме вöрав,
И ог каитчы сыысь.

ЗЭР БÖРЫН

Юяс вомөн водзö келис
Кöмтöм кока шоныд зэр..
Быттьö нывбабалөн морöс,
Кыпъялыштö мыссьöм эрд.

Шондi югöрьясысь бипур
Лыдтöм дзоридз öзтiс сэн.
Медся бура сыйлöм кузя
Лэбач котыр панiс вен.

Небыд вом дорьяса тöвру
Окалö быд турун сi.
Нимлунö моз гажöдчöны
Бобув, чирк и малязi.

Аслам быттьö тшöтш жö нимлун:
Сывьяс кутлö менö эрд.
Да и со став ловья лолыс
Меным петкöдлö концерт.



Луннас ывла вöлі син ни пель —
Шутьлялігтыр йöктіс ышмөм пурга.
Локтіс рытыс — шыльöдчöма, пельк,
Со и гулю небыд лымйын кургö.

Енэжыслөн быттьö аслас ГЭС:
Лыдтөм биөн югзьöдіс став ывла.
Войыс пуксис сэтшөм лөнъ да сэзь,
Кодзувъяслөн кок шы весиг кылö.

КУЛӨМЪЮ

Кулөм — юыслөн нимыс,
Көть и зэв аддзысь синмыс:
Джуджыд Тимансянь сійö
Сюртчö Эжвалөн сывйö.

Абу паськыд ни джумъя,
Гачтöг вомöныс вуджан.
Кöсьян — изъяссö лыдды
Войся кодзувъяс пыдди.

Кöсьян — шондісö шыльöд,—
Визув сійöс оз кылöд.
Öшкамöшкакөд тані
Коркö сёрнияс панлі.

Нывкөд берегас важөн
Рытъяс коллявлім гажөн.
Сылысь малавлі пöся
Рудзöг кольта кодь кöса.

Быттьö нимкыла ваыс —
Овлö чöскыдджык маысь.
Матöг позьö на овны,
Ватöг — сьöкыд тай ловлы.

Кöть и нимыс тай — Кулöм,
Сийö паськыда тулö.
Лэбзьöм водзвылас юсьыс
Васö юлöны юсьяс.

Пыдi пармаын юыс
Индö кыйсьысьлы туйсö.
Коркö ми-вокыс кулам,
Сöмын оз кувлы Кулöм.

АСЫВ

Эжва шыньгö — абу гыа,
Берег дорас пу оз дзуртышт.
Асылыслы шондi кыö
Зарни югөръясысь юркытш.

Асыв — тэрыб, шань и мелi,
Гажыс, майбыр, юр вывтырыс:
Югыд лысва пöвсттi келö
Лэбачьяскöд сьылигтырйи.

Со и воис льöм пу дорöдз,
Пöртмасьö код еджыд пухöн.
Танi гөгөр ловъя дзоридз,
Асыв öвтö кампет дукөн.

Шондi сылы юркытш сетiс,
Льöм пу козьналіс шöвк фата.
Асыв — быттьö том невеста —
Эжва юöd водзö катас.

БАБА ГОЖОМ

Сылён син лыскыс — шонділөн югөр,
Лёзён ойдём сөдз енэжыс — сии.
Аслас мичлунён сюрс ногон юргө,
Оз ков, майбырлы, тшапитчанін.

Гөгрөс морөса кыз пу со вөччөм —
Шонді югөрысь кольта кодь дзик.
Джуджыд думьясө вөр-ваыс вөйтчө,
Кыпыд свадьбаысь гажмылас сикт.

Страда помасис. Муыс со шойччө,
Бытьё ыркөдчө нёнёдчысь ань.
Усьысь корьясын томлунным сотчө
Баба гожом кодь мича да шань.

Мичсө кутлыны сывьясөс восьті,
Но сэк съблөмөй друг лоис няр:
Баба гожөмсө мездорас босьтіс,
Менсьым юасьтөг пышйөдіс ар.

ЫВЛА ЮГДОМСӨ ВИДЗОДАМ ВАЙӨ

Энө узьөй водз асывсө, энөй,
Ывла югдөмсө видзодам вайө.
Чөскыд уннытө өтчыд кеть венөй,
Шонді петөмсө эн прөзевайтөй.

Регыд кыаыс енэжын садьмас,
Вөр-ва весьтасө шевкнитас бордсө.
Лэбач чукөрлөн паняс пось свадьба,
Ылөдз паськалас гажөдчан гор сэк.

Көнкө шондйыс локтө на туйын,
Зарни петельсө мыччыны дасьтө.
Сюра төлысь со кытчөкө уйө,
Быттьө сур юан яндөва-тасьтi.

Энө узьой водз асывсө, энөй:
Шуда лун сийө аскөдыс вайө.
Чөскыд уннытө өтчыд көть венөй,
И ті воланныд муывса райө.

ЧЕРИ КОТЫРЛӨН СОБРАННЬӨ

Рытьявылыс Эжва дорө лэччи,
Каньлы мында вугралыштi кельчи.
Чигья чери кытчөкө тай ланьтөм,
Гашкө, мунө тупкөса собранньө?

Чукөртчисны, гашкө, гуся йирас
Сын и ёдi, ёсьтөм пиня сирыс.
Важөнсянь өд налөн өти сёрни:
Олан гажйыс воссяс налы кор нин?

Вөйөм ютшыс ваын уна сiсьмө,
Зарни сьөмыс черияслөн сiмө.
Коньөрьясөй воөмны нин матө
Уна сикас ядохимикатысь.

Туска синма лоөма пө ляпа,
Юр висьөмөн пөддязөк тшөтш лябө...
Чери моз кө чөв овны ми кутам,
Оз нин ковмыв чери керан пуртыд.

Тырмас сэсья берег пөлөн педзны,
Каньлы нуа зештын куим кельчи.
Жар-птицаөн юө пуксис шондi,
Менам сьөлөм водзө мыйкө ёнтiс...

РЫТГОРУВ

Лөз синма төвру турун пөвстө водө.
Кызд войся стөрөж — оз вод бобөньянь.
Вөр сайсянь рытыс пуксьө-локтө подөн
И ачыс сійө парма кодь жө шань.

Со енеж пөрччө өшкамөшка вөнсьө,
Со саялө нин шондыслөн нюм.
И кывлө тайө гожся ловъя лөняс
Кызд сьылө, шогсьө, сералө дзор му.

МЕДВОДДЗА ПУЖ

Асья ывла выв, аддза, шогалө:
Ловъя дзоридзьяс эрдын кельдісны.
Думысь шыльода, пөся окала
Чужан муөйлысь дзормөм пельдінсө.

ЭЖВА ДОРЫН

Ывла югылдөн саймовтчис рөмыс,
Рытыс регыдөн шевгөдіс борд:
Пуксис төдлытөг ю весьтө рөмыд,
Быттьө төдлытөг пөрысьмис морт.

Эжва берегө ломзьөді бипур,
Востым рөмаөн лоис лөнь вой.
И дыр видзөді ыпьялысь би пыр
Ыпйысь томлунөс — во бөрся во.



Мед пыр лоас шонді



Тшыгъявлін и кынмавлін коть коркө,
Дырнад гөллөс тэнад овліс нор коть,
Рөдинаөй — дона, мича Аньөй,
Враг водзын эн сувтлы пидзөсчаньөн.

Уна во чөж тэнад ов — Сөветскөй,
Тайө овтөг шуд эг эськө пестөй.
Падмөдлісны быдман-сөвман туйтө,
Кодөс Ленин тэныд индіс-туйдіс.

Ыззылісны сотны война биын —
Дорйисны сэк олөмнас ныв-пиян.
Босьтчыліс код вины тэнө мечөн,
Сійө на и чегліс ассьыс вечик.

Некор мед эз потлась енэжтасыс,
Нюмъялігтыр локтіс мед быд асыв,
Қиас мечөн изйысь сувтіс мамным
Легендарнөй Малахов курганын.

Рөдинаөй талун — стройплощадка,
Быдмысь каръяс, вежөдысь том садьяс.
Рөдинаөй — вынйөра тэ, шуда,
Синъяс водзө он сувт Коми мутөг.

Рөдиналы съёлөмсянь пось копыр
Сетам муөдз уна кывъя войтыр.
Рөдинаөс шуам СССР-өн,
Чарла-мөлөт öзйö кодлөн Гербын.

Рөдина — тэ мамлөн чужөмбаныс.
СССР-лөн карта кодъ

код ставнас:

Визйөдлөны сййөс визув юяс,
Чужан муөн вуджөм славной туйяс.

Рөдинаой — Эжва дорса кыддзöй —
Сьёлөмсяньным радейтөмысь кындзи
Ставсö шөри юкас тэкөд лөлöй,
Ковмас кө — ог жалит ассыым олөм.

Рөдинаой менам уна рөма:
Көнкө — шоныд, көнкө — пими көма..
Рөдинаой, паськөд вына сывборд,
Бордъяв тшөтш и парма пилысь кывбур.

Тшыгъявлін и кынмавлін көть коркө,
Дырнад гөлөс овліс тэнад нор көть,
Рөдинаой — дона, мича Аньöй,
Враг водзын он сувт тэ пидзөсчаньөн.

БОРДАН ГӨЛӨСӨН СЫЛӨ БАЯН

Рытъя кыаысь öзйөма юяс,
Парма-мамöй акань кодъ чөв.
Озья вом дора, кудриа мусö
Бритөм щөканас гильөдö төв.

Эжва нöрысса памятник дорын
Нора ворсö салдат-ветеран,
Аслас ворсöмысь сьölöмыс дзормö,—
Бöрдан гөлөсөн сьылö баян.

БÖРЪЯЫСЬ ОҚЫШТЧИН СӘК

Шудтöм сәк гожöмыс вöли:
Бөръяысь оқыштин сәк...
Сәксянь тэ, мичаник дöва,
Верöстö виччысян век.

Сидзи тай артмöма олöм:
Öтигьсь чужлö быд морт.
Вөтъяснад верöсыд волö
Видлыны сё муса горт.

Садьман да, шобрöдлö весиг,—
Мый вöчны — ачyd он тöд.
Синвасор пернапас чöвтан,
Ок эськö збыльмис кö вöт!

Дөвалөн синъясысь сөдздзык
Мөдтор эг аддзыв морт нэм.
Дөвалөн синваысь пöсьдзык
Мыйкö мөй свет вылас эм?!

ПОРТРЕТ

Снимоквывса мортöс
Видзöда ме дыр:
Посныйд мелі синъяс,
Паськыд, тшөтшыд ныр.

Откодълуныс сыкӧд
Менам уна эм:
Быттьӧ сылысь чужӧм
Ляскӧмаӧсь мем.

Ачыс ылын, гуын
Куйлӧ том салдат —
Менам мамлӧн верӧс,
Менам муса бать.

Шуа: «Батьӧ, видзӧд!
Менӧ аддзан он?
Быдмис пиыд тэнад,
Эм нин тэнад монь.

Пыр тэ лоан дона,
Кӧть он вочавидз.
Тэнад овыд, нимыд —
Менам ов да вич».

ГЫМНЬӦЛА ЗЭР

Война ылын 28 арӧсӧн усьӧм батьлы

Гожся ывлаыс кузь лунтыр пӧжис.
Рытлань матысмис кымӧр — чим съӧд.
Кодкӧ енэжас личӧдіс вӧжжи —
Кыліс гымньӧвлӧн котралан ӧд.

Чардби вирдыштіӧ зэв уна вожӧн,
Қорсьӧ сайӧдін быд ловья лов.
Қоркӧ батьӧн на садитлӧм пожӧм
Некор гымньӧла зерысь оз пов.

Коть и чардбиыс юковтны вермас,
Пожом сулалё веськыд да збой.
Юас пөттөдзыс шоныдик зэрсө,
Сэссия ас кежас панас выль мойд.

Гыма кымёрыс исковтис чожа.
Мыссьём пуыслөн мичаммис статья:
Лөня сулаліс пёсялём пожом,
Быттьо пывсянысь петёма бать.

ВОШЬИ-СИБӨДЧЫ, БАТЬӨ

Прөстит, бать, коми пармалён пи,—
Кыйсян пищальыд вевттьысьё сімён.
Сійён талун ме ог кый ни ви,
Коркө вөлі коть зэв стөча инмө.

Прөстит, бать, Сөвет мулён салдат,—
Лазтө жытникын воз сёйны пондіс...
Кымын ылысмө торъялан кад,
Сымын ёнджыка сьөлөмөс ёнтө.

Нитшка чөс туяд ог нин ме кай,
Зверён-пөткаён озыр коть өнөдз.
Вошйы-сибөдчы, батьө! И вай
Оти көшельысь куритчам пөттөдз.

ПОЧӨ

Мед олёмөйлөн би кинь эз кус дыр,
Мед олём лоис няня-сола пыр,
Пөч асывьяснас дольліс «Отче наш»,
И ме тшөтш ськөд чөвтлі пернапас.

Но кевмысьомсö эз кыв ен ни чöрт,
Кыв гаддясъмöныд молитва кöть лöвт.
А шогыс вичмис быд керкаö дзик,
И гусьöн бöрдлис мужикьястöм сикт.

Сэк енсянь пöчö корлис синва сор —
Мед пияныслöн олöм оз жö ор!
Лёк юөр воис öти бöрся мöд,
И пöчлы енэж лолис сьöдсьыс сьöд.

Ас визулöдыс кывтис öдья кад,
Му весьтысь вешйис войнаыслöн чад.
Лöз вез кодь колис менам батылöн мам,
Важ дойыс сьлöн некор нин эз ям.

И талун пöчö пернапас оз чöвт,
И вомгорулас молитва оз лöвт...
Со стенын эня-пиалöн портрет
Мем война вояс вунöдны оз сет.

КЫМЫН ВО НИН ПИЯНЫС СО ТУЙЫН...

Батыс-мамыс быд пи чужöм бöрын
Öшинь улас садитлисны пу.
Вашкöдчисны топольяс сад йöрын,
Гажöдисны-вöччöдисны му.

Топольяслöн вожьяс моз жö пиян
Быдмисны да верстяммисны пыр.
Олöмыслысь öдсö он кут кыин,—
Öдйö кывтö гажа челядьдыр.

Сэксянь тырис вөрөн уна ордым,
Парма шöрысь косьмис уна ёль.
Вит пи пöвстысь некод абу гортын,
Мамöн шуысь керкаö эз коль.

Қымын во нин пияныс со туйын,
Коляс ещö уна-уна во,
Уна берег кырас Эжва юным...
Вит пи пöвстысь некод нин оз во.

Мамлы медся уна вичмö-кольö —
Усьöm йылысь юөр, курыд шог.
Öшинь улын шöпкöны вит тополь,
Быттö орччөн локтöны вит вок.



*Помöсдин вожысь Бадьельйив
сиктса дöваяслы*

Шондыскöд чеччис Марья тьötö:
Верöсылөн талун чужан лун.
Рытбыд кевмис — волы пö көть вötөн,
Сöмын ылö пышйис пöрысь ун.

Горсья пачын банйö небыд шаьнга,
Пызан вылын верöслөн портрет:
Гöтырланьыс видзöдö со Ваньö,
Видзöдö, но гөлөссö оз сет.

Шыльöдыштö Марья сылысь юрси,
Малалö чунь помнас ныр и вом.
Ылі муын кодыр сійö усис.
Вöлі сэки комын арысь том.

Марья тьöтлөн доршасьö кос синва,
Кольöм кадыс чужтö уна дум...
Верөссö пыр малалыштö кинас —
Виччысьö, кор петас сылөн нюм.

МАМ

Бандзибъяссыд алёй кыа бердіс —
Арлыдыд со квайт дасөд нин вуджө.
Чужөм вылад парманымлөн серыс:
Уна вожа пулөн сәні вуджөр.

Бөръя вынөдз зільлін ныв-пи вөсна,—
Томысянь өд дөва ним тэд колис.
Мудзөм синмыд ямөм ты кодь өні,
Кодөс оз нин юктавы сөдз ёльяс.

Война кадө пыклін тужа-нужа,
Тырмыліс тай сөткөмыс и ёрчөм.
Юрси сіад кынмөм еджыд пужйыс
Оз нин сывлы медъяр шөнді водзын.

Тэысь мича мортыс абу некод.
Чой-вок нимсянь мымлы муөдз копыр.
Сөмын муса Рөдинаөс тэкөд
Өткодявлө том и гырысь войтыр.

Эз вөв кокни тэнад баба рөкыц,—
Со мый вөсна ручка вильдө кисьым.
Гижны меным тэ йылысь зэв сьөкыд,
Но не гижны — ещө сьөкыд висьөм.

ПОЭЗИЯ РЫТ

Коми гижысь-фронтовикъяслы

Чикыш гөлөса сиктса веж парк
Ылөдз шыалө енэж вевт улын.
Рытъя шондіыс — ыджыд да яр —
Ыстө югөрсе дзоридза мулы.

Тані юралö гаж рытывбыд,
Лэбзьö сьыланкыв — мича да кыпыд.
Талун паркын поэзия рыт,
Кытчö локтіс и катыд, кывтыд.

Сцена вылын поэт-фронтовик
Коми зон йылысь лыддьö баллада.
Дзебис лов шысö юбокса сикт,
Мыйкö думыштчис кöстыля дядьö.

Чышкö синвасö кодлöнкö мам,
Усьöм пи йывсьыс гижöдыс, гашкö?
Овлö дой, коді некор оз ям,
Ачyd асьтö кöть мыйта он такöд.

Водзö лыдды, ёрт, кывбур и висьт,
Чуксав йöзсö тэ шуд вылö, мирö.
Тэнад сьöлöмыд — книгаысь лист,
Кöні быд строка гижöма вирөн.

ВÖТ

Тöрыт войбыд ме воуйті вötөн:
Ертгяс усисны, коли ме öткөн.
Шойяс пöвстöдыс öтарö кысса,
И сэк бать менам кыпöдчис кыськö.

Төр пилоткасö нямралö киас,
Шуö: «Му вылас ов, муса пиö.
Пельпом вылын на менам со юрöй,
Лазйын черöй со, пуртöсын пуртöй.

Локті дорйыны тэнö паж лолысь.
Вайи вежа ва сиктдорса ёлысь,

Юктив ёртъястё — ловзясны найё,
Сьёлём шоньдтё налы тшотш пайды.

Эн коль ёртъястё бой-поле вылё,
Кынмём вир-яйныс, виччысьлы, сылё.
Пёлышт быдёнлы пось ловтё вомсьыд,—
Кусём сэрапом битөг оз ломзьы».

Плавкёс флягасё мыччё мен кисыс,
Шуа: «Аслад нин лы-сьёмьд сисьмис.
Али ловзьёдіс нимкыла ваыс?
Али енмыс нё татчёсё вайис..?»

Орис батьёкөд сёрнитан вётёй:
Бокё кияснас тувкнитіс гётыр.
Садьми — сырмөдө аддзылёмторсьыс,
Сьёлём тіпкөмөй весигтё торкис.

Сетчи ёшиньлань — лөннышті вёлись,
Ылын ёшаліс быгалём тёлысь —
Бытьё батьёйлөн пыжывьса лотёк,
Бытьё усьём салдатлөн пилотка.

«ТАЛУН МИРЫН» ПЕРЕДАЧА ВИДЗӨДИГӨН

Весиг сыркмунлө телеэкран,
Кодыр пурёны Мусё снарядыяс.
Сотчө Олём то сәні, то тан,
Көні ки помьсь вөчөны адсө.

Пез войнаысысь мудзис нин көрт,
Мудзис сынөдыс, вөр-ваыс ойзө.
Қызьөд нэмыс эз этша нин бөрд
Мулөн морёсын бырлытём дойысь.

Шызьö Му... Уна вурьса Му
Миллионъяслöн гөлöсөн корö:
Медым Олöмыс тшынйив эз мун,
Медым пыр кезлö Морт колис Мортөн.

Кута эскыны йöзыскöд ме:
Кага нюмсерөн Аскиыс чужас.
Вайö воюйтны сы вöсна, мед
Му шар пасьтаыс ломзис пöсь дружба.

ЛЕНИНГРАДЛЫ

Быттö став карыс Неваöд кывтö,—
Йöзыс сы мында уличті люзьгö.
Гожся сынöдыс асфальтсö сывдö,
Öд жар-птица моз шондiыс югзьö.

Менам сьöлөмöй чиктылö-радлö,
Чужан сиктöй кöть уна верст сайын.
Коми пармасынь тэн, Ленинградлы
Ыджыд дружбалысь пöсь чолөм вайи.

Шуда чужöмъяс йöзыслысь аддза,
Аддза славалысь куслытöм бияс.
Восьсö танi история ачыс,
Кодöс кыöма нэм кезлö изйысь.

Тэнö көсйисны вины — эз вины:
Враглөн вöсниджык вөлöма сöныс.
Тшыглун пычкис кöть тэнсьыд кос синва,
Аддзин аскиа луныслысь рөмсö.

Тэкöд сёрнитiг кывъяс оз ковны:
Весиг чöv олөм унатор казтьö.

Тэын быд мортлы быдтор зэв дона,—
Он өд весь нимава став му шар пасьта.

Сагин платтьоа котөртө Нева,
Йөктысь гыяснас синъясөс ёрө.
Кывтө збодера кувлытөм нэмö
Шудлысь кыасö өзтысь «Аврора».

ЧОЛӨМ, ВОЛГА!

Пось чолөм тэныд, эзысь Волга,—
Россиянымлөн медшөр сөн.
Тэ уна карө, сиктө волан,
Зэв кузя нюжөдчөм шөвк вөнъ.

Ок, кугшөм кыпыд сьыланкывъяс
Ас нэмад сиисны тэд йөз...
И тэнсьыд сялькөдчысь лөнь гыяс
Эз повзьөд враглөн ылжыд грөз.

Тэ ставсö йөзлы помөдз сетан,
Он төдлы шойччөг луи ни вой.
Яр бияс ГЭС-яслысь тэ пестан,—
И личалыштө вөвлөм дой.

Көть мыйга кадыс бөрө коляс,
Ён мускульясыдыд вын оз быр:
Сюрс посни юяс, шоръяс, ёльяс
Тэ ордө писькөдчөны пыр.

Тэ паськыд, визув, мича статя —
Ас муын радейтана ю.
И таысь медвойдөр пось аттьö
Тэ посни чойясыдлы шу.



Дзирйыв восьт'с өдзёссө мен чөвлун,
Төдса морт моз кезала сы ордө.
Сөмын пашляк — еджыд синма көлдун —
Кадысь кадө швачөдчө зев гора.

Пуяс йывті, тыртөм лэбач поз кодь,
Кывтө шонді — койө көдзыд бисө.
Кызд пу бокын мичаник том коз пу
Дирижёр моз шевкнитөма кисө:

Лөньөдөма пармалысь оркестрсө,
Медым сійө эз торк төвся мойдсө.
Джуджыд лымйөн шылялөма эрд со,
Еджыд няньшом быттьө кодкө лойём.

Сөмын пашляк лыйсис медым эськө,
Кылісны мед мирнөй взрывлөн шыяс.
Весиг кызд пу нимкодъысла сәки
Шуда синва водздөранас чышкас.



Муслуныд —
збыльсь кӧ сійӧ пӧсь муслун —
Венас кузь туй кост,
но тэӧ пыр аддзас.
Муслуныд —
морт моз жӧ ӧтиьсь чужлӧ,
Муслуныд —
олӧмад медсӧстӧм лача.

Муслуныд —
збыльсь кӧ сійӧ пӧсь муслун —
Писькӧдчӧ сьӧлӧмад
дзольгысь ключ горӧн,
Шондӧ моз некор дзик,
некор оз куслы,
Дзоридз моз югыдлань
чужӧмнас нӧрӧ.

НАТАШАЛЫ

Весиг кула, да коля ме ловъя,
Коля му вылас ассьым пӧсь лов:
Тэнад борд улын сынӧдӧн лоа —
Ачyd гулюӧн меным тэ ло.



Енэжын пөртмасьысь кодзув
Войбыд со лөз биён согчө.
Тöлысь сэн — еджыд тшап дзодзöг —
Бытьтöкö кокасьö-вотчö.

Гашкö и мусуксö корсьö;
Пөвтöгыд кузь тöвсья войыс.
Сылы моз аслым — ог соссьы —
Некодлы нюжöдны сойöс.

Стөрöж моз довъяла öтнам,
Ывла выв лөнълунсö видза.
Ныланöй-мусай, көн тэ?
Шоглунöс мыйла он личöд?

Дзиръятö он восьты мыйла?
Ылын на югдандор лöзыс...
Кодзувсö босьтлыны мый ли
Муслунöс сьёлöмад öзтны...

ПЫВСЯН

Из горъя пывсян — бытьтöкö медпункт:
Сэн вир-яй шонтан, босьтан крепыд ун.
Эм небыд корöсь — аслысьяма врач,
И сыён асьтö шöган швич да швач.

Веж парма-вөрөн öвтö корöсь кор,
Кос жарөн ыпйö ваён койöм гор.
И лы-сьём небзьö лекарствотöг тан —
Ок, лöсьыд жö нин тан,
ерöмакань!

КОЗИН

Лёнъ тыысь гумовта кыа,
Олан туй эз пемдыв мед.
Эжвалысь сялькөдчысь гыяс
Гаж вылө козьнала тэд.

Меддона изйысь на мича
Лысвалён дзирдалысь сер.
Козьнала лысваа видзьяс,
Гарьясөс польдчөдысь зэр.

Шонділысь югөр тэд каття,—
Сы кодъ жө пось лоан, том.
Кыз пулысь чусмывтөм платтьö
Козьнала казетыланпом.

Козьнала юсыяслысь горзём,
Кельыдлөз енэжлысь от.
Донай, мыйон ме озыр —
Водзөстөг ставсө тэ босьт.

ЫЛӨДИС СЭК МЕНӨ МИЧА НЫВ

Өтпөлөсөн локтіс гожся рытыс,
Лунъя жарысь сынөд вөлі пось.
Но съод кымөр другөн сэки кыптис,
Коді кытчө саймовтчисны йөз.

Өдья зэрысь регыд сюри кобув,
Төдтөм нывкөд орччөн тшуки тан.
Быттьö кыскө лэбзис шуда бобув,
Нюмөн ворсіс сылөн чужөмбан.

Гымалігтыр гудокасьö ывла,
Этшсьыс петмөн йөктö кöмтöм зэр.
Воём оз кодь — сөвмөма нин нылыс,
Чужём серти платтьöйслөн сер.

Морöс пыткам кыпъялö том сьөлөм,
Корсьö аслыс лөсялана пөв.
Со тай... со тай... кöні сійö вөлөм,
А ме, йöйыд, öнөдз ола чөв.

Гöтыр вылö, думайта да, туйö,
Шаньöн лөб ськөд олан поз.
Збоймөдчи да мөмъялігтыр шуи:
«Колльөдчыны тэкөд поэьö оз?»

Велөдчыны вои лун-мөд сайын,
Чужаніной менам — Эжва йыв.
Эг на төдмась карнас аслам пайысь,
Сідзсö, быттьö, карыс сьөлөмвыв».

Шуны — шуи, ачым сэтчö кынми,
Төдлі нин көть таөдз мусук-мөд.
Тайö здукас немтор кө оз гынмы,
Дөзмөдчыны нылыслы ог мөд.

Сувтіс воча. Лөсьöдыштіс платтьö:
«Абу сакар — зэрсьыс дзевси весь.
Аски паркын виччыся ме асьтö,
Сэн фонтан эм... Аддзан менö сесь...»

Чайті, мися, мамлы сюрис моньпу,
Ачым дзыкөдз воштылі сэк ин.
Мича нылыд вөлөма тай шмоньлив:
Паркын эз вөв сыөн индөмин.

...Тайо вöлі важöн Сыктивкарын,
Нылыс, гашкö-й, öнöдз олö тан.
Збылысьсö жö Сыктив бокса паркын
Öнöдз абу ни öти фонтан.

ГОТРАСЬЫСЬ ТОМ ЕРТЛЫ

Медводз нылыдлысь эгшö
Помöдз гөгöрбок тöд.
Кыз пу ачыс со еджыд,
Кöть и вуджöрыс сьöд.

СЕРÖН КАЗЯЛІ...

Зарни амыся тöлысьсö судзöда,
Брошка пыдди мед öшöдны морöсад.
Тэнад синьясö лöz рöмсö рудзöда
Паськыд люстра кодь енэжысь — коран кö.

Елысь гумовта бисер кодь кодзувсö,
Пеляд исерга пыдди мед пысавны.
Дзирйыв восьта пöсь сьöлöмлысь öдзöссö:
Сэтысь лыддян тэ, мый ог шу кывьясöн.

Гажа раскын тэд зарава войтöда,
Кыз кодь еджыдöн кöсьян кö лоны тэ...
Тадзи шулывлі тэныд ме войпукиг,
Кор тай ыдждöдлі тэнö пыр шондiön.

Сöмын кöсьысьсöм лоис тай весьшöрö:
Тэд эз ковмыны кодзув ни, тöлысь ни...
Мöдлы войвиин... Колин мен вежöрö
Паськыд пармаын юралысь йöлаөн.

Сёрөн казялі: вёлөмкө, ачыл тэ
Аслад синьясөн мичмөдан ывласө;
И кор вадоркай енэжлань качөдчө —
Тэнад гөлөсөн кыпыда шыавлө.

КЫВТЫД ПОМЫН

Шоныд рытө кывтыд помын
Гудөк шыөн ыпйө томлун.
Нывлөн кыис зонлөн кыин —
Быттө дзоридз дзоридз пиын.

Өта-мөдлы мелі нюмыс
Восьтө медся гуся думьяс.
Оз ков лишной сёрни-басни,
Синьяс сёрнитоны асьныс.

Лысөм юра еджыл төлысь
Аддзө радейтчөм том йөзлысь
Вежыс этшаджык мед петіс,
Кымөр сайө частө бердлас.

Төлысь, буракө, тшөтш көсйө
Корсьны асьыс воштөм пөвсө.
Кыйөдө, кор петас кыа,
Сійөс шымыртны мед сывйө.

Локтіс бордьяс вылын асыв...
Окалөм пөсь вом дорьясөн
Йөзлы нимкодь гортө мунны
Час-мөд кежлө синьяс куньны.

ӨТКА КЫДЗ ПУ

Тэрыб ёль боқын, сикт кывтыдпомын
Тугъя сывъяса кыз пу со олө —
Абу пöрысь, и он нин шу томөн,
Овлө кыпыдөн,
зумышөн овлө.

Быттьö сöмын на мыссьöма ёляс,
Небыд турунö ва коксö чышкö.
Öшлө морöсас съöd сикötш мольяс:
Гöстьöс виччысьö,
воас вот пышкой.

Кымын ныв-зон нин окасьліс тані,
Кывліс кыз пуыс «но»-сö и «ог»-сö.
Уна Öдя да, Марья да, Анна
Сыкөд юклісны радлунсö-й, шогсö.

Сійö стройнöя сулалө öткөн
Менам син водзын верöстөм ань кодь.
Вильыш төврукөд пөттөдзыс йөктас,
Лөнью төлыс и кыддзыс сэк ланьтö.

Лысва-синваыс петлас көть войын.
Оз тай кияссö некоді мыччы.
Пуртөн вöлыштан — морт моз жö доймö,
Көть и висьтавны оз вермы кыддзыс.

Тэрыб ёльбокса эрд вылын гора
Чаня көбыла йирсьö да гөрдлө...
Менам сьөлөмöй овлө сэк норөн,
Өтка дөва моз кыддзыс кор бөрдлө.

Нопйын шоныд чышъян, банйём яблөг —
Мамлы гӱснеч. Мамысь бырис гаж.

Часӱн воа Сыктывкарсянь... сэтчӱ,
Шыбельястӱм во чӱж сынӱд туй.
Кымын матын — сьӱлӱм ёнджык чеччӱ,
Шӱвк лентаӱн ӱвтчӱ Эжва ю.

Со и клуб. А со и мамлӱн керка,
Ӑшинь улас быдмӱгъяса йӱр.
Ваньӱ воклӱн понйыс сэн жӱ эргӱ:
Дыр эг вӱв да — сы вӱсна и скӱр.

Ачыс мамӱ воча меным петӱ —
Му вылас мен медся мича ань.
Мелника топӱдла ас бердӱ,
Му вылас код меным медся шань.

Еджыд быгйӱн пуӱ чужъя сурыс,
Вӱлӱгаӱн пызан вылыс тыр:
Видзӱда да тайӱ здукас муртса
Керкаӱдзыс град йӱрнас эз пырт.

Лӱсьӱдыштис баба юрсьыс кӱртӱд,
Пуксис воча. Сӱрни, майбыр, эм.
Нимкодъысла сьӱлӱмыс кыз бӱрдӱ —
Кыла ӱтнам. Кыла сӱмын ме.

СТАВЫС СИН ВОДЗӱ МЕД КОЛЯС

Мамлӱн мудзӱминик синъяс,
Енӱжлӱн сӱдз лӱзыс,
Кыр йыв кайысь Кулӱмдӱнӱй,
Сэтчӱс варов йӱзыс;

Епим Павел Васька дедö,
Коді оліс дзорөдз;
Мөдлапөвса паськыд эрдыс
Да сэн йөктысь дзоридз;
Чойлөн-воклөн чужөмбаныс,
Гөтырлөн пось морөс,
Өти кывйөн, рөдвуж ставныс,
Пывсян и веж корось.
Пызанвывса кыз нянь шөрөм,
Эжва юлөн отыс,
Зверь-пөткаа парма-вөрыс
Да сэн кисьмөм вотөс;
Сералигтыр кывтысь ёльяс,
Кызлөн еджыд дөрөм —
Ставыс син водзö мед коляс
Весиг кулөм бөрын.

СЫЛАНКЫВ

Валентина Есевалы

Сьökыд шуны кывъясөн
Мусукöйлы дум.
Мыла сыланкывъясөн
Чужты сылысь нюм.

Сыланкывйыд висьталас
Уна-унатор.
Олан туйөс листалас
Кызди медбур өрт.

Кыпыджыка горөдлы
Сывны, коми ань.
Сыланкывйыд мортыдлы —
Кызди шобді нянь.

Сыланкывтөг ойбыртө,
Гажтөмчө крут кыр,
Кыті миян котөртис
Көмтөм челядьдыр.

Сыланкывтөг муслуныд —
Кыдзи косьмөм ключ.
Сытөг мусө кутлыны
Мортлөн сыв оз судз.

Сыланкывйөн чуксалө
Ассьыс пөвсө юсь.
Сылигтырйи юкклалө
Мусө визув ю.

Кашемир шөвк чышъян кор
Кышө енэжтас,
Лэбач сылөм шыясөн
Садьмө кыддза рас.

Тулыс кодь сөдз гөлөсөн
Горөдлы тэ вай,
Гажөд йөзлысь сьөлөмсө,
Коми колипкай.

КАРПАТ ТУИ КУЗЯ

Гөра йывьясыс кымөръяс сайын,
Сэтчө кокниа некыдз он письт,
Но пос тшупөдьяс вывті моз кайө
Ёна ружтігтыр миян «Турист».

Ок и чукульёсь-мукульёсь туйыс,
Бытгө важөн нин пакталөм шор.

Кадысь кадö съöd читкыля уссö
Кинас малыштлö мян шофёр.

Водзын — гөралён медджуджыдіныс,
«Перевал» — сылён татшөм и ним.
Сійö унаөс кыскö ас дінас,
Сэтчö туйнымöс кутам тшөтш ми.

Воча волöны пашкыртчөм пожөм,
Сёртас бокшаын дөввидзысь дуб.
И шофёрлөн пыр дольдмө чужөм, —
Ывла серпасыс сылы зөв люб.

А ми ортсыö видзөдны полам, —
Гөра сёртасыс пемыд да крут.
Бытён дум вылад татöні волö
Эжва юбокса шыльквидзысь луд.

Быдён полыштам гусьөн и явö —
Тайö туйыс нö помасьлас оз?
И шофёр вылө видзөдам ставён,
Ставён видзөдам ен вылө моз.

ГУЦУЛЪЯС ОРДЫН

Веж Карпатыслысь мичаник серпассö,
Гуцул-нивъяслысь лöсьыдик статья,
Бобöняняса пökата эрдъяссö —
Татысь аддзыны сьөлөмөй рад.

Еджыд кымөръяс гөраын шойччöны —
Гөра йывъясыс ставыс дзик дзор.
Увтасінъясö керкаяс вöйтчөмны,
Ылөдз юргö трембиталөн гор.

Уна рѳмъяса паськѳмыс йѳзыслѳн,
Ыж ку киптаръяс* — мойдын кодъ дзик.
Гѳра бокшаын дзоридзьяс ѳзйѳны,
Кисьмысь яблѳгѳн видзѳдчѳ сикт.

Петан рытгорув гожся лѳнь ывлаѳ —
Коломыйкаяс** чужтасны нюм.
ѳшинь увъясын сьыланкыв шыалѳ:
Кывзы мыйта кѳть — некор он ум.

То Маричка, то Анча, то Галочка
Кытшѳ корасны — йѳктыны пет.
Рочѳн мылаа сьылѳ Наталочко,
Гѳстьѳс гажтѳмлун эз шымырт мед.

Шондѳ югѳрысь чусмѳма синкымныс,
Чужѳм выланьс пемыдгѳрд гож.
Сыктысь войтырсѳ тѳда ме нимнаньс,
Быдѳн — гѳраса ю кодъ жѳ чож.

Танѳ быд пѳрйѳ друг ордѳ воывла,
Варов сѳрниньм войѳдз оз ор.
Сйѳѳ ошкѳ ас сиктаньс олѳмсѳ.
Водзтѳ вѳвлѳма кодѳ зѳв нор.

Сйѳѳ радейтѳ шондѳа лунывьсѳ,
Нинѳм вылѳ Карпатсѳ оз веж.
Чужан мусѳ код кокниа вунѳдѳ,
Олѳ му вылас джынвьиѳ весь.

Менам парма эм, Пѳртмасьысь кьа и,
Мамѳн козыналѳм мусаник кыв.
Эг ѳд весьшѳрѳ ѳртѳйлы ас кывйѳн
Тайѳ кывбурсѳ талун ме кы.

* К и п т а р я с — состѳм курткаяс, кодъясѳс мич-
мѳдѳма уна рѳма кучикѳн да новлѳны мужичѳйяс и
нывбабаяс.

** К о л о м ы й к а — йѳз кост сьыланкыв.

ТӨДТӨМ НЭМЪЯСӨ ВОСЬКОВ

*Рафаэльлөн «Сикстинскöй мадонна»
картина серти*

Витсё во сайын чужтөм картина —
Мортлөн вежөрөн рөдитөм ен.
Морёс бердас со топөдө кинас
Зөлөт кагасө нывбаба сэн.

Бытьё Му шарсө мездорас кутө,
Сыысь бипур мед эз вөчны йөз.
Миян син водзө ловйөн моз сувтө,
Медым гуавны морт виан грөз.

Төдтөм нэмъясө муніг оз туйны
Зывөк лөжлун ни войналөн тшын.
...Витсё во нин со нывбаба туйын,
А мед шойччыштны — оз тырмы вын.



Бытшкас сьөлөмө — пемдылө шонді,
Коркө бытшкас да — оз отсав врач.
Гашкө, бать виан пуляысь ёнтө?
Гашкө, чужтөдз на чужсьёма тадз?

Сөмын эскыны бурас век колө,
Лоан мөд ногыс збыль ловья шой.
Весиг сі йылө өшгяс кор олөм,
Кута эскыны бурас лун-вой.

Эз на торйөд мем местасө муыс,
Ставлы төрмөн на эм вольнөй свет.
Парма чуркъяным зэв на том пуыс,
Мыйысь кутасны вөчны мем крест.



Иизьом енежыс лоёма вильд:
Усьо кодзув то сәні, то тәні.
Төлысь гыөртөм синъяссө тільө,
Утка туй * кузя локтө мем паньд.

Эзысь конькиа — енежсө юждө,
Кодзув котырсө кокниа ордйө...
Ывла көдзыдыс чөсөдө чужөм,
Пыра шоньдөн оналысь гортө.

Пукся гижны ме гижтөм на книга,
Ләпта вылөджык лампаысь петель.
Ачым өні судья и защитник,
Өшиньсайса сәзь войыс — свидетель.

ИЮЛЬ 29-өд ЛУН ДІНӨ КЫВ

О, чужан лун! Ло ньөжмыдджыкөн туйын.
Тә кымын тэрыб, сьөлөм сымын нор.
Кызд тувсов Эжва — сы моз көсья туны
И паськыдджыка шевкнитлыны борд.

Мед рөднөй мулысь сьөлөм тпкөм кылі
И олөм гысыс бөрө ме эг коль.
Мед вөр-ваыскөд өти хорын сылі
Да менсьым гөлөс кыліс яг и ёль.

О, чужан лун! Тә туйын сувтовкерлы,
Со мыйта дзоридз — манитчышт вай сән.
Өд арлыд пиам вель нин пыдө келі,
А пөрыслуныс оз ков мен ни тән.

* Утка туй — Млечный путь (рочнас).

А мыйон восьтан менсым керка өдзөс,
Мен медся дона козинсө тэ сет —
Содз тырнад мыччы енэжлысь лөз сөдзсө
Да Эжва бокса дзоридзысь букет.

Вөч сідз, мед кыліс йөзлөн шуда серам,
Эз куслы мед на сьөлөмысь любовь,
Эз тыртөммыв мед кага чужтан керка,
А сэсся ловлы унджыкыс оз ков.

БОБӨНЯНЯ МУ

Енэжыс зэв сөдз, сэн абу кымөр чир,
Быттьө мамө пожьялөма сійөс.
Дзоридз вылысь мелі шонді дзирд
Чукөртөны мудзлытөм скөр зіяс.

Эжва бокса бобөняня му
Быттьө мойдса сера пызан дөра.
Ма дуксө тась содзнад гумлае-ю,
Пөсь нянь пыдди шондісө көть шөрав.

Бать-мамөйлөн му водзын ме дась
Гөрысьөн и гижысьөн пыр лоны,
Ен водзын моз чөвтны пернапас
И нэм помөдз сылөн төждөн овны.



Николай Владимирович Некрасовлы

Төвныр өдөн нуө менө олөм
Локтан нэмө — кызь өгийд нэмө.

Мыйла эськө мустөм, көдзыд полөм
Менсым сьөлөм бытшкыштлө ёсь емөн.

Гашкө сийөн, мый ме абу робот:
Йөзлысь дойсө, радлунчысө сыла;
Лэбачьяслысь дзользьём, зэрлысь кобём,
Дзормөм Мулысь шогалөмсө кыла.

Ышлолалө ичөтик планета —
Войнаясөн дойдалөм Му шарыс:
Мортөс сотан бипур морт жө пестө,
Висьысьлөн моз кыптө Мулөн жарыс.

Көсья лоны шливгысь шоныд зэрөн,
Кусөдны мед ыпниттөм на бисө,
Ловья дзоридз өзьяліс мед эрдын
И морт мортлы мыччис медым кисө.

Вөр-валы и енэжыслы кевма
Медся бурсө, мый эм вольной светас:
Кызьөд нэмыс
 кызь өтиөд нэмлы
Кисьыс нянь-сов медым эськө сетас.



Туйвежъяс



Шонді югөр ки тырйö он чабырт,
Лун тöлыс оз бергöд кольöм лун.
Сöмын паметь — быттьö гыма чардби —
Дзикöдз мырддис менсьым чöскыд ун.

Томлунöйкöд ас шөр сёрни пана,
Оз ло тані ылöдчана кыв.
Вöсни коска, алöй чужöмбана,
Синъяс водзö сувтö авъя ныв.

Морöс вывсьыс аддза кыз руд көса —
Нывлысь ордым, ассым олан визь.
Синъяссьыс ме, кодъяс югыдлöзöсь,
Думысь лыддя öнöдз гижтöм висьт.

1

Дядь водз нылөн Оля быдмис сиктын —
Куим пöвстысь медся ыджыд чой.
Кöть и некод эз нин ов сэк пикын,
Оля тöдліс кедзөвтöмлысь дой.
Шочиника вичмывліс выль платтьö
И эз тырмыв гортас мелілун.

Зелля дінö велалөм скөр дядьөн
Чурка-нылөн нимтөмыс оз вун.
Мамлөн сәки пöсявлісны сөнъяс,
Ывла югыд лоліс рудсьыс-руд.
Том олөмөй, том гажөй, тэ көнъя?
Мыйла тэ эн бергөдчыв, эн сувт?
Тöрытъясö косөдны кө позис,
Мыетш эськө нимкодясис мам:
Муслун биөн сьөлөмыс сәк ломзис,
Ывла мичыс некор сәк эз ям.
Воштис шудсö чуњьяс костөд ва моз,—
Таысь Наста некодөс оз вөйп.
Кусысь пач моз сьөлөмыд пыр ваймас,
Сөмын шогсö йирө тай он вөйт.

...Чөскыд унмөн узьö мяян Оля.
Көть и шоньд, шебрөдыштö мам.
Муса ныв көть талун абу дзоля,
Куим пөвстын сійö медся рам.

Узысь нывнас нимкодясьö Наста,
Видзөдö и кокняммылө лов:
Синъяс водзас быттьö нывлөн батыс —
Настанымлөн медводдза любовь...

2

Мыччө кисö гожөмлы шань тулыс,
Нимкодясьö гөгөр ловъя лов.
Ызьөм Эжва школа дорөдз туліс,
Кытчö Оля ветліс бөръя во.
Юсянь өвтысь төвруыскөд ворсö
Школа йөрын веж кудриа сад.
Татшөм здукö, вөліны кө бордъяс,
Мортыд эськө лэбалыштны рад.
Пукалө со Оля пуяс сайын,
Киас кыз учебник да тетрадь.

Ылын на коть медбөрья экзамен,
Думсыс сылөн — съорас аттестат.
Нёшта кыпид лоё вольной светыс,
Бөрйы, майбыр, съёлём серти туй.
Аслад киён югид шудсё песты,
Колё сёмын вёлі мед морттуй.
Төдө Оля, вёчны кутшём воськов,
Көні сійё аддзас аслыс ин.
Тшөктё съёлём, нывлы медым босьтны,
Босьтны медым велёдысьлысь ним.
Оля бытьён лоас Сыктивкарын,—
Сідзкё, нылёс виччысь институт.
А мый шуас Васьлы локтан арыс?—
Оля немтор думайтны эз кут.
Сёмын сійё өтиторйё эскё:
Нывлысь думьяс бура төдө Вась,
Муслун бипур коді сыын пестё,
Зоньяс пөвстын коді медся ас.
Орччөнёсь со найё первой классянь,—
Олялён пыр вёвлі дорйысь зон.
Дзерёдысьлы сюравлывліс Васьсянь,
Коді классын вёвлі медся ён.

Татёні на Оля, варов садйын
Лыддысьё, но юрас нем оз пыр:
«Мый нё сыкөд? Кытчё Васьё падмис?
Мыйла талун абу татшём дыр?»
Сэсся сувтіс, лёсьёдыштис платтьё.
Зонлён локтём матын оз на кыв.
Синкым вывсьыс вештіс юрси пратьяс.
Лёбач сьылём сылы съёлёмвыв.
Сьёлёмвыв и паськыд лёзов енеж,
Эжванымлён дзор гыса от,
Кок ув мулён уна рёма эжыс,
Кытысь мичсё нэм чөжнад он вот.
Сьёлёмвыв и Васьлён төдса гөлөс,
Топыд мыгөр, мугов чужёмбан,

Эжва бокö шевкнитчöм важ вöлöсть,
Воысь-во кöн югдö олöм бан.

«Со и вои... чолöм... гаж нин быри,
Мöдлапöлö вуджалам вай тась,
Тэрмасьöмла лолöй, аддзан, тырис»,—
Оля киö инмöдчыліс Вась.

Нывлөн чужöм лои нöшта мелі:
«Кытысь пыжыс? Вуджавны ме рад».

«Со мыйтаён вуграсьöны челядь...
Огö воштöй тані дона кад».

...Ныла-зонлы öні стöч дас сизим,
Бөрö кольö кокни челядь ру.
Öмидз моз жö мортыд сэки кисьмö,
Сьöлöмыдлы сэки долыд-бур.
Пырсö он тöд — вежöглун-ö, муслун
Ышöдöны мортöс, кодыр том.
Сöмын Оля Васьöлөн оз вунлы —
И оз ло мед йитöдныслы пом.
Мöдлапöлын дзордзалöны видзьяс,
Сэсянь ставнас синьяс водзын сикт —
Оляяслөн керка, джуджыд кильчö,
Ыджыд школа ськөд орчөн дзик.

«Öні сүөд!»— нюмъёвкерис Оля,
Кокныдика паськөдыштліс сыв
И видз шөрлань руд юрсиа колип
Шывгис-лэбис — воча нем эз кыв.
Шоньд төвру окаліс пöсь вом дор,
Котöртöмысь пöльтчис платтö сөс.
Морöс тырнас нимкодясис томдыр,
Мöдысь коді оз нин воы, оз.
Чöскыд дукусь нывлөн кольмö юрыс...
Вый пыр кыскöм сись кодь сьлөн стать...

Ныла-зонкөд радлө Эжва юыс,
Копрасьё тшөтш берегдорса бадь.

Васьё вөтчө — вөтөдны оз тэрмась,—
Гажлуныс эз помась дырджык мед.
Водзын Оля — кылө гажа серам,
Серам шыөн юралө став эрд.
Кымын гожөм котравлісны таті:
Куртлісны и ытшкылісны видз.
Вунөдлісны сэки школьнөй парта,
Донаджыкөн лоліс вөр-ва мич.
«Кытчө пышьян? Сувтовкерлы, Оля!
Мыйкө көсйө шуны менам лов...
Пармаын тэ — медся визув ёльыс,
Тэысь сөстөм ёльыс мем оз ков»,—
Бергалісны көть и уна думьяс,
Лышкыд кывьяс эз на шулы Вась.
Мөвпалө и петө кокни нюмыс —
Талун, гашкө, висьтавнысө дась.

Оля кылө — өдйө тіпкө сьөлөм,
Көть и нывлөн сійө абу жеб.
И эрд шөрө Оля сувтіс чөла —
Зумыд иддза

кисьмөм шобді шеп.

Чуньяс гөгөр гартлө көса помсө,
Синмас ворсө енэж — сөстөм, сэзь.
«Өні, Васьё, лыддысьыштны ковмас,
А то луныс миян кольө весь».

«Татшөм лунө кыпөдчывны эськө,
Видзөдлыны енэжсянь му от.
Мый көть эг вөч, эскы көть эн эскы,
Синьяс водзысь аддза самолёт.
Весиг вөтөн кытчөкө пыр лэба,
Но быд пөрийө гортө воа бөр;
Бытьёкөнөсь бырөма став өбөс

И тэ локтан,

шуан: «Сьёлёмшөр...»

Тэнö аддзём бөрти садьма вöлись,

Уличланьö чатөртыштла юр:

Öтка юсь моз лэбö сöмын тöлысь,

Бытьö корсьö пöвсö, да оз сюр...»

Оля кывзис. Тупкис кыз учебник.

Васьёланьö нюжöдыштлис ки.

Сьёлём кылём көть и зилис дзєбны.

Он тай саймовт радейтöмлысь би.

«Кызди-й көсьян —

лётчикөн тэ лоан,—

Оля синнас кыйис зонлысь син.—

Самолётөн лэбавны ме пола,

Гудрасьö сэк менам сьёлёмдин».

«Вот и сідзкө, велöдысьөн ло тэ,—

Васьлөн петис ышöдана нюм,—

Менам көсийём, лоны мед пилотөн,

Ачуд тöдан — ичötдырсянь дум».

...Ныла-зонма пукалисны дыр на,

Радлунөн да гажөн ловныс тыр.

Сэсся бара аддзясны ритнас,

Кыа петтöдз варовлун оз быр.

3

Тэрыб öда гыма-чарда гожём:

Помасьö жар шондиа июнь.

Öшинь улын паськыд сывья пожём

Чолöмавны көсийö садьмысь лун.

Шонди бөрти регыд чеччис Наста:

Бригадирлөн помасьлытём нок,

Торйөн öни, кодыр видз выв страда,

Рудзмунлõны кодыр ки и кок.
Со и Наста пыжаяслань лэччõ,
Чышьян помнас ворсõдчыштõ тõв.
Кõмтõм зонка вугралõ со кельчи,
Лыа кõджас шойччõ чаня вõв.
Морõс тырнад асья чõскыд сынõд
Ульйõлõс моз юан, да он пõt.
Пелысьясõн, майбыр, оз ков сынны,
Бытгõ бордья — тэрыб катчõс õд.
Наста синмын ворсõ шондi югõр,
Гыõн ворсõ Эжваыслõн от.
Коми сылан пыжсянь ылõдз юргõ,
Сьывны мастак том и пõрысь морт.
Жаль, мый сьылõм быдõнлысь оз личõд
Войнаõн на кырыштõм ёсь дой.
Уна во кõtь снэж лõнь и мича,
Уналõн на чуктõ синва войт.
Õни сьылõй,

сьылõй, коми аныяс,

Покос пантõдз ышмõдыштõй лов.
Пõльтысь тõвнас мыськõй чужõмбаньяс,
Сьõлõмныдлы шуштõмлун оз ков.

Со и винтыс дугдõ песны васõ,
Берегланьыс ачыс шуныгõ пыж.
Лысваа на кыпõдчысь сõдз асыв,
Юõдз сунлõ вожа бõжа джыдж.
Матыстчõны пыжлань Õньõ гозья,
Чолõмасьõ-эргõ Лайка пон.
Конюкалõ Õньõ,

лэчтõ коса,

Узьланiныс — чомйõ зэвтõм вон.

Õтпырйõ нин казтышта ме тани:
Õньõ лоõ Васьлы рõднõй пõль —
Сотчысь танкын чишкавлõма бансõ,
Лõня шуõм оз нин кыв и пель.

Праздникъясö пысавлö медальяс,
Морöсыс сэк ставнас эзысь дзирд.
Нёнявны зэв радейтö йöг каллян,
Завидьлун ни горшлун абу чир.
«Питшöг тырныд талун тiян чассьö,—
Шуö сiйö, кырсö лэччигтыр.—
Чöсмöдлышта тiянöс ме часы,
Свежöй юква руалö пöрт тыр.
Ставлы тырмас,

ботайтчышгi войнас

Шожим вискын — шедi кило дас...»
Дед кöть лябö коснас да и сойнас,
Быдöнлы на отсöг сетны дась.
Дедлысь кисö кутлö,

шуö Наста:

«Ыджыд аттьö дед, Андрей Ильич,
Зильлунсьыд и буралöмсьыд, аттьö,
Страда чöж он тöдлы шойччöг-лич».

Сьöд пöрт улын бипур ваймö-чискö,
Шуньгö ю — веж парманымлөн чой.
Пызан сайын некод абу писка,
Чери-юква мыйта колö сёй.
Босьталісны сэсея коса-кураң,
Варовитіг разöдчисны йöз.
Ставлы нимкодь —

луныс пансьö бура:

Енэжыс со

пасьталаыс лöз.

Лэбулынöсь бригадир да Öнью,
Наста кың бонзьыштöм блокнот.
Пасьялö со сэтчö — кодi öнi
Уджавнытö воис,

кымын морт.

«Кыдзи-мый нö Тимаыдкöд олан?—

Верос йывсьыс казтыштіс сэк дед.—
Оля ныльд помалө шөр школа,
Велөдчыны водзө мунас, дерт».
«Олам-вылам, шуласны тай, съодас,—
Ышловзигмоз кылө воча кыв.—
Кедзвотө на онөдз Тима рөдыс
Оля вөсна... Абу пө ас ныв...»

4

Уна ва нин Эжва нуис сэксянь,
Уна колис син тупкывтөм вой..
Аслад рөкысь некытчө он дзедьсы,
Весиг радлун вөчлө мортлы дой.

Сундук пытшкысь снимок перйө Наста,
Юрас мөвлъяс — быттө ылькыйсь шор.
Синъяс водзас локтө кольөм кадыс,
Ру пиын моз сувтө ловъя Пётр.

...Кык во коли война кусөм бөрын.
Сирөтайн пөшти коли сикт.
Вичмывліс тай бабаяслы бөрдөм,—
Война пинь туй — быд керкаын дзик.
Сикт пасьтаын дөваяс да дедъяс,
Верстьө мужик этша воис бөр.
Наста бательн олөм сэн жө бердіс,
Кодлөн гажлун вөвлі парма-вөр.
Веськыд кыис мамлөн өні Наста,
Сыысь өтдор нөшта на кык чой.
Тильсян-мырсян — он тай жалит асьтө,
Көть эськө и жебиник на сой.
Но том съөлөм век жө кольө томөн:
Рытын кыскө дзузган биа клуб.
Куим нывлы воө өти зонмөн,
Быдөн сыкөд йөктышты зэв люб.

Наста дінө сибөдчис пыр Тима —
Чужөм-рожа вылө шөркодь зон.
Нывьяс пөвстын сөмын тай эз нима.
Көть и плөтник, киподтуя, ён.
Самөкурөн өвтліс Тима дінысь,
Мукөд зонмөс шеныштны пыр дась.
Наста дінысь быд йөктысьсөс синас,
Нөшта содтас: «Ноко, вешйы тась!»
Мынтөдчас сэк Наста сьлөн сывйысь,
Лөкысь шуас: «Тима, яндзим төд!
Зывөк босьтө йөзсө тэнад кывйысь,
Колантор кө — радейтас мед мөд!»
«Яндысьны ог көсйы некод водзын,—
Нөшта, вылө Тима лөптас юр,—
Сөмын ачым лоа тэкөд орчөн,
Мукөдьяслы оз ло мясянь бур».
Волысисны өта-мөдныс ордө
Насталөн да Тималөн кык мам.
Кыкнанныслөн гөлөс ыджыд гора,
Ошкылісны челядьлысь бур сям.
Сваттясөн шулөмаөсь лоны,
Гөрддзалам пө өтувья выль рөд,
Тимаыд пө зарни киа зонмыс,
Наста кодь пө визув абу мөд.
Тайө сёрни сиктын өдйө кывсис,
Жөникөн нин лыддис асьсө зон.
Сөмын өтказ сійө кыліс нывсянь:
«Тэнад мамлы ог ме,
ог ло монь».

Со и Тима воштө асьыс садьсө,—
Вөтлысьсө ныв бөрся кымын во?
Өтиөн көть нетшкы юрси пратьяс.
Мырдысьөн тай мусаөн он ло.



...Сійö вонас, гөрны петан кадö,
Карладорысь воис агроном:
Зильысь мортыс, төлк төдысь и лада,
Варовиник, серамбана, том.
Председатель оланінсö индіс:
Настаяслөн эм пö тыртöм жыр.
Бöрынджык нии шуис сэссия нимнас:
«Уджным, Пётр Никитич, юр выв тыр.
Ачыл лоан юралысьöс вежысь,
Мый тэ воин, вывті нимкодь мем.
Кладовщиккөд амбаръясö кежав,
Кöйдысьясыд кутшöмсюрö эм...»

Регыл сійö төдмаліс став овмöс,
Юралысьлөн лоис төлка ёрт.
Öткымынъяс шулісны пыр овнас,
Синъяс саяс прöстö — пришлöй* морт.
Нывъяслы жö Пётрыд эз ло веськодь,
Сибöдчыны кодкö зільліс пыр.
Наста кодь тай сöмын эз вöв некод,
Чышкис-мыськис коді сылысь жыр.
Коді дугдіс ветлөдлыны клубö,
Кодлөн ылькйö-ворсөдчö том вир,
Кодлы зонкөд пукалыштны любö
Мам син сайын, мед сійö эз «йир».

Уна төжда войнабöрса пöра,
Қолөм серти он пасьтась, он сей.
Век жö олөм гажа, чөскыд көра,
Сывъялө кор мусуқыдлөн сой.
Ылысянь на зонлысь кок шы кылö,
Кодлөн ставыс кажитчö зев ас.

* Пришлöй морт — Эжва бокса öткымын сиктьясын öнөдз тадзи шуöны бокысь воөм мортöс.

Вольной светыс нощта югдіс нывлы,
Да и арлыд сёмын на кык дас.
Сарөгмөмны уджысла нэр кияс,—
Верстяммисны өдйё сэк ныв-зон.
Оти муслун гусьоникөн йитіс
Кык том сьёлөм — шонді кодъ жö дон.
Радейтөмыд, воас кө, оз юась,
Туөм Эжвалөн кодъ сьлөн гор.
Гозйөдчөмөн олөны кө юсьяс,
Радейтчытөг олас өмөй морт...

«Жөникпуыд тэнад сөмын Тима,—
Мамыс дольліс нывлы лунысь-лун.—
Йёзысь воөм зятьёс ме ог примит,
Да и ачюд некытчө он мун.
Чойястө ме өткөн кызди верда?
Коллялөма кымын узьтөм вой?
Бөрдөмысла синмөй регыд бердас,
Тэ көть, Наста, эн вөч сьёлөм дой...»

«Отувтчам да Петя лоас тані,—
Эскөдлывліс мамсө нормөм ныв.—
Енмыштам да выль керка сэк панам,
Тималы жö — оз ло сөглас кыв.
Овнысө өд верөсыскөд меным,
Да и өні абу важья кад.
Став бурсө, мам, миянлы тэ кевмы,
Петялы и меным лоө рад».



...Төвся рыт. Пётр гижис гортас письмө,
Сы ордө кор пырис почтальон:
Кабалатор мыччис гегдөм кисыс,
Көдзыдысла чужөмыс гөрд-дон.
Дзөля пачын трачкакылө пескыс,
Плита вылын сёян-юан дась.

Пызан помын куйлө со повестка,
Военкомлөн көні кырымпас.
И эз төдлы, кызди пырис Насти,
Бөрладорсянь тупкис сылысь син.
Нывлөн сьёлөм чеччө кутшөм частө!—
Оз нин аддзы Насти аслыс ин.
«Тэнад жырийн меным пырдзык шоньд,—
Зонлысь банбок оқыштіс сэк ныв.—
Кутшөм юөр вайис почтальоныд?
Мыйла зумыш?

Шу көть өти кыв».

«Вайисны мем сөмын на повестка,
Армияө мунны воис кад.
Янсөдчыны сьөкыд лоө тэкөд...
Ылі муяс аддзывны, дерт, рад».

«А ме көсийи нимкодьөдны тэнө,
Шөпкөдны зэв ыджыд гусятор,
Кодөс төдам ме да сөмын енмыс...»—
Нывлөн гөлөс пыр жө лоис нор;
Эжва вылын кызди арся шуга,
Сьёлөмас сідз йизис-кынмис шог.
«Лоа мамөн... Аслам мам көть увгас...
Виччысьны пыр кута, сөмын лок!»

«Бур юөрсьыд, Настук, ыджыд аттьө,
Кызди шуин — сідзи-й лоас мед.
Лөкторъясысь быд ногыс видз асьтө,
Лун кост мысти кута гижны тэд.
Служба бөрын өтлаө пыр колям,
Кутам овны миянын көть тан.
Ныв кө чужтан —
пукты нимсө Оля,
Пи кө чужтан —
лоас мед Иван...»

Кургисны ас кежын ныла-зонма...
Сõмын тõлысь — кодзувьяслõн тун —
Сюзь моз дзоргис на вылõ зев ёна,
Асылõдзис синьяссõ эз кунь.



Мõдõдлывлис письмõ бõрся письмõ
Эжва бокса муслуныслы Пётр.
Со нин бара парма вотõс кисьмõ...
Наста гыркын чужьясьõ виль морт.

Петя йылысь мамыс скõрысь долис:
Жõникыд пõ оз лок татчõ, оз,
Чуркаõн пõ тәнõ татчõ коляс,
Донаджык пõ лоас чужан поз;
Янõдас пõ чойястõ и асьтõ,
Шоглуныс пõ вичмас асьыс пай...

«Оз ло чурка!— вочавидзлис Наста,—
Сылõн эм и лоõ аслас ай».
Виччысьыштам, мый на лоõ водзõ,
Олõм лэбõ, быттьõ дзодзõг-юсь...
Настанымлõн муслун абу орччõн,
Гожся вой, а кажитчõ зев кузь.
Радейтõмыд — медся сьõкыд висьõм —
Сьõлõмыдлы шойччõгсõ оз сет.
Юрлõс улас Петясяныс письмõ,
Сән жõ сылõн мичаник портрет.
«Олан-вылан, сьõлõмшõрõй-нылõй,
Синьяс водзын тәнәд чужõмбан.
Мелі гõлõс тәнсьыд татчõдз кыла,
Пыр тә мекõд орччõн — быттьõ тан.
Служба вылын ставыс лючки-ладнõ,
Видзам ми граница вой и лун.
Регыд петны ковмас мем нарядõ,
Но и сәнi, Настукõй, он вун...»—

Письмөяссө лыддө весиг вөтөн,
Унзильйивсыс корсьө сылысь сой.
Муөн, няньөн сысянь быттьө өвтө,
Быттьө чышкө зонлысь ньылөм войт.
Мыйөн садьмас — шайпаймунас ачыс:
Аддзылөмыс вемөс али вөт?
Оз на лябсы, ломтас горсья пачсө,
Дыгьдмис көть аслас ветлан өд.

...Ньөжйөникөн ваймө югьд ывла,—
Рытгорувлань небзьө лунся жар.
Енэж помас кольө банйөм кыа,—
Өмидз рөма дзевсьө шонді-шар.
Вөр-ва вылө войыс лөня водө,
Ставлы сиө мича, чөскыд ун.
Миян Наста тавой врачьяс ордын
Асьядорөдз синьяссө оз кунь.
Вольной светө чужө содтөд олысь,
Войнабөрса чужө дона морт...

Парма-мамөй, шоныдджыка лолышт,
Сөстөм синьяс меліджыка восьт.



Комнатаын дзуртө кага лайкан,
Потан дорын «өввө» сьылө мам.
Наста ордө Тима пырө сайдөн —
Вышивайтөм дөрөма и рам.
Гусьөникөн нимкодьясьө сійө
Наста вылө горша дзоргигтыр,
Картузсө пыр нямрөдлыштө киас —
Майшасьөмыс некыдзи оз быр.
«Кыскө, Наста, сьөлөмөс тэ ордө,—
Кызөктігмөз шуис кортөм гөсть.—
Пришлөй мортыд чегис вечик-бордтө,
Колян сылы көдзыд нисьө пөсь.

Дыр на ковмас служитны сэн сылы,
Роч аканькөд, гашкө, локтас сэсь.
Эскы, Наста,

эскы менам кывлы:

Ог өд жугөд ачимөс ме весь.
Нывуловнад сиктным көть и озыр,
Морөс кудйөй тэтөг тыртөм-куш.
Овны эськө тэкөд өти позйын...
Вежögла сэк радейтны эг куж...»

«Шмонитан-ө? Висьталан-ө збыльтор?

Чир мында оз эскы тэныд лов.

Петяыдкөд ставыс мян тыр-бур,

Сылөн сөстөм

ме динö любовь.

Радлунсö и шоглунсö ми öтвыв

Кутам нуны Петякөд нэм чöж.

Он и төдлы, кадыс кызди рөдтас...

Оля вöсна, öни медпöсь төжд».

Тима перйис ыджыд табак көшель,

Кöни вöли чорыд самосад.

Корасьöмнас көть и эз ло дөвöль.

Тані дыр на прöста лотіс кад.



...Котралö нин Оля аслас кокөн —

Сьяльгысь ключ кодь гөлөс,

пыскыль кыв.

Регыд... регыд гортö папыс локтас,

Со нин кутшөм сылөн дзоридз ныв...

Сöмын шудыс мөд туйвежö кежис,

Ыджыд лача сыліс кызди йи...

Му вылас тай зэв на уна пежыс:

Мирнөй кадö... усис парма пи.

Вөлі вой, кор сулаліс дозорын,
Кодыр пансис врагкөд биа кось...
Кызд геройлөн,
 олөм сылөн орис,
Но эз сетчы,
 бөрланьё эз кос.

Сылөн вирыс
 Оля сёнын олө,
Шонтё нывлысь сьёлөм,
 шонтё лов...
Дженьыд вөлі Петялөн пось томлун:
Бать ним колис,
 верёсөн эз ло.

...Ыджыд шогыс нюкрөдлө нэр сьёлөм.
Паськыд эрдъяс вевттьё еджыд лым...
Бабаяслысь Наста кылө гөлөс:
«Тимаыд тэ динё важсьыс пым.
Ассьыд шогтё ськөд тэ и личөд,
Өнөдз сійө нывбабатөм морт.
Ас нэмнад тэд быдторйыс на вичмас,
Петя вөсна вийсьынытө сёр.
Ачыд төдан: пөвтөг кутшөм көдзыд
Дөваяслөн вольпась, но быть ов;
Думсьыс енлысь чуксалёны өнөдз
Война биын сотчөм том любовь.
Верёсныслысь юрсө пыдди юрлөс
Малалёны унйывсьыс кузь вой.
Кытыськө пыр виччысьёны юөр,
Личөдыштны медым сьёлөм дой.
Окавтөг пось вом доръясныс косьмө.
Кызди косьмө киськавлытөм цвет.
Верёсьясныс петісны сэк косьё
Ловьяяслы бура овсис мед.
Тэн жө, Наста, майшасьнысө нинөм,—
Корасысьыд, майбыр, том и ён.

Оляыдлысь батьсö вежас Тима —
Абу сыметь кулитана зон...»

Дыр на йирис Тима ассыс гыжсö,
Кытчöдз Наста ньылыд кыв эз сет.
Медсясö нин мамыс сійöс ыштіс,
Мужикнад пö Тима лоас мед.

...Бара лунтыр ыджыдаліс турöб,
Лымъя вольпась дзугис чизыр төв.
Рытьядорыс ывла дугдіс дурны,
Сэзьдөм енэж ставнас лои шöвк.
Вугыр моз сэн нюгыльтчöма төлысь,
Быттö көсйö кыйны чöскыд нур.

...Сиктын вöлі нöшта öти көлысь,
Насталы көн выль шудыс эз сюр.

5

Олясянь ме пані висьт-поэма...
Сылөн кийн аттестат нин эм.
Сылы водзö овны кызьöд нэмö,
Чолöмавны кызь öтиöд нэм.

Киён судзмён мортлы лои космос,
Енэжыслөн ловзис джуджыд йир.
Парма весьтын саякйö югыд востым,
Быд төлысьö сиктын гажа пир.

Дöва-мамъяс — öні дзормөм бабьяс,
Нимкодторныс — внучка либö внук.
Уджач войтыр олёмөн оз лябны,
Бурджык шудла мортöс тась он ну.

Öні сиктын пуджөм соска гожөм,
Вотöсөн да тшакөн озыр рас.

Мөдлапöлын трактор ытшкө видз.
Енэж шөрö водö еджыд лёддзөн
Реактивнöй самолётлөн визь.
Эжва кузя теплоход со катö,
Нывлы öвтчö —

шпоргö сэн флажок.

Оля вылын кокни ситеч платтьö,
Гожъялöма лöсьыд статя кок.
Шевкнитчöма синкым чикыш борд моз,
Вом доръясыс, быттö, кисьмöm оз.
Эжва гы моз кыптыштöма морöс,
Пелысь пу кодь нюдз да вöсни кос.
Варовитö ськөд гажа ывла,
Унджык мичыс сэсся оз и ков.
Мойвиас-ö Васылы тайö нылыс?—
Вочавидзас асланыс любовь.

6

Куимысь нин ылысмыліс гожöм.
Куим пöрйö дзоридзавліс льöм,
Варов ёльяс, дзользиг уна вожөн,
Мичмөдлісны парманымлысь рöм.

Наста лыддьö Олясяныс письмö:
Помала пö регыд коймөд курс.
Васьö корö: арланыс пö гижсям,
Венечувса платтьötö пö вур.
«Думайтнысö ачим весиг пола,
Кötь и меным тырö, мам, кызь ар.
Öнөдз пыр на тэ борд улын олi
И друг верöс — весиг босьтлö жар.
Пыдди пукта Васьöос ме ёна,
Ичötдырсянь сійö мем шань ёрт.
Но öд, мамö, бөрья куим вонас
Олöманым вежсис унатор.
Вуктыл вожын сійö вертолётчик,

А мем велөдчыны вель на дыр.
Ас кодь том йөз өні мекөд орччөн,
Унджык кадсө отлаынөсь пыр.
Жөникпуыд карад, майбыр, тырмө,
Миян курсын эм жө сэтшөм зон:
Васьөланыө мунө бесиг ныр-вом,
Васьө кодь жө мугов, снажен-ён.
Қино вылө ветлывлам ми сыкөд,
Сөмын лөксө немтор, мам, эн чайт.
Қөть и сәки, кодыр овлам кыкөн,
Тожө шулө: гөтрасям пө вай.
Мөдарө сәк бергөда ме сёрни,
Менам, мися, жөник важөн эм...
Стройотрядкөд мунны ёна корө,
Гашкө-й, збыльысь, ветлыны тшөтш мем?
Тырджык синмөн видзөдла тшөтш олөм,
Өтдортчыны өртъясысь оз позь,
Бөра-водза гортө бытьөн вола,
Сөмын ог төд:

Васьө дөзмас оз?..

Мамавынд пө удитан ас нэмад,—
Пөдругаяс шулывлөны тан.
Мый эськө тэ сөветуйтін меным?—
Веськыда гиж ставсө, дона мам».

Помсянь помөдз Наста лыддис кыкысь,
Сылөн чужис аслыснога төжд:
Васьө сайө петны думсьыс пыксьө,
Сьөлөм серти нывлы, гашкө, мөд?

Наста вылын быгалыштөм ковта,
Көртөд улын төдчө

баба юр.

Өшинь пырыс аддзө юлысь ковтыс,
Гөвкъялыштө көні кизьөр ру.
Тшайподалис порог дорын туфли.
Зэрөм бөрти сынөд лөнь и сөдз.

Мыссьом турун лои вежджык, улис,
Лёзов енэж

быттьо зэвтём жоч.

Бөр діланьё Наста лэччис-кежис,
От-модарас пластнитчёма видз.
Коркё тані Петякөд ас кежын
Видзөдісны шонді петан мич.
Кывзылісны өта-мөдлысь серам,
Дзоридзьясысь кылісны венок.
Насталы зэв муса тайё эрдыс,
Пальөдлывлө тані ассьыс шог.
Оля йылысь думыс юрсө личкө:
Кыз-мый гижны — эз ло медым сёр?
Бөрья письмө мамлы пыдө сидзис,
Первойысь өд лыддис татшөмтор.
Төдіс кө, дерт, письмө йывсьыс дядьыс,
Тималы сэк быд ног вөлі масьт.
Сылы веськодь — коді лоас зятьон,—
Оляёс өд сетны важөн дась.

Регыд мысти Наста вочавидзис:
Радейта пө батьтө онөдз век.
Сундук пытшкын снимок кодөс видзис,
Письмө костас суйис тшөтш жө сэк.
Сыктывкарад ыдждөд пө портретсө,
Гөрдитчы, мый сійө тэнад бать:
Автоматсө кутө морөс бердас,
Нюмьялігтыр видзөдө сержант.
«Өні, гашкө, каитчыны сёр мем,
Дядьыд сайын шудаөн эг вөв.
Юрси кындзи сьөлөмыд тшөтш дзормө,
Ас сертиыд кодыр абу пөв.
Мустөмыдкөд овны вывті шуштөм,
Шырби дорын шонтысьөм кодь дзик.
Виж сёркни моз важөн эськө рушми,
Не кө тан шань йөзыс да ас сикт.
Дөва моз жө верөс сайын ола,

Йөзлөн гажыс — тшөтш и менам гаж.

Думысь частө томдыр кадө вола,

Коді өні бөрө кольөм, важ.

Мамыс тэныд став медбурсө кевма:

Мед эз исковт некор синва войт,

Лунся югыд тэныд мед эз пемдыв,

Кодзுவьясөн дзирдаліс мед вой.

Бөрийы аслыд

кутшөм колө ордым,

Мамыс некор падмөдны ог кут.

Олөмыс зэв мича, помтөм-дортөм,

И быд мортлөн аслыснога шуд.

Кодсюрөлөн сійө ыджыд нэма,

Мукөдьяслөн дженьыд, кызди вөт...

Сьөлөмыдкөд вензыны он вермы:

Кызди көсьян — сідзи-й ставсө вөч».

7

Сиктысь войсө вөртас сайө синіс

Гөрдөдз пөльтчөм шондйслөн дзирд.

Садьмөм асыв тільө ассьыс синьяс

Потанывса кага моз жө дзик.

Нөдзласьыштө Оля посводз вонйын,

Ставыс тані ас и төдсатор.

Морөс бердас топөдөма сойнас

Кыз руд көса — нимтөм чукля шор.

Сэтшөм лөнь. И нөттөдз узыны позьө.

Мыйлакө тай пышйө чөскыд ун?..

Думсьыд, гашкө, аддзан ассьыд кодзув,

Коді войбыд синьяссө оз кунь?

Шөпкөдан тэ, гашкө, мамлысь письмө,

Кодөс ставнас төдан наизусть?

Ю дор ягыс, вотӥс кӧнӧ кисьмӧ,
Дум вылад тӧд сӧйӧ эз-ӧ усь?

Гашкӧ, нылӧ, Васьбӧйд оз тырмы
И оз гажӧд тӧнӧ мӧдлапӧв?
Мыйла сӧрбӧдз керкаӧ оз пырсы
И нӧль рыт нин колльӧдысь эз вӧв?

Дзик на ставыс водзын тӧнад, Оля,
Но пыр тӧд, кор вуджан олан туй:
Кыкысь помся гожӧмыд оз овлы,
Радейтӧмад велӧдысь оз туй.

Сӧмын сутки коли овны гортад,
Чужан сикткӧд янсалан тӧ бӧр:
Виччысьӧны ССО*-ысь ӧртъяс —
Кӧсйысьӧмтӧ олӧмӧ быть пӧрт.

8

Лунтыр зӧрис. Рытъявылӧ кобис.
Енӧж бара шевгӧдӧс лӧз борд.
Карсянь воис сӧмын на автобус,
Чеччис сӧсь и томиник пилот.

Школа весьтӧд Оляяслань кежис,
Шӧпкӧдыштӧ нывлысь донан им.
Чолӧмалӧ зонмӧс быгъя Эжва,
Чолӧмалӧ аслас чужанӧн.

Со и керка. Восьса кильчӧ ӧдзӧс.
Петӧс Наста — кутлӧс зонлысь ки:
«Гӧстьӧн лоан, пырам да вай пӧрчысь,
Самӧварӧ пыр жӧ чӧвта би».

* С С О — студентъяслӧн строительнӧй отряд.

«Гижліс меным Оля лун-мөд сайын,
Гожомбыд пö сиктаным ог ло,
Недыр кежлө гортөдз сөмын кайла,
Верман кө пö волы. Вои со...»

«Муніс төрыт... Лэбзис самолётон.
А өд тэнө риччысис быд лун,
Некымынысь ветліс весиг портө,
Колис письмө... Тайкө эз и вун».

Жугыльмуні Васьөлөн сэк съёлөм:
Ассьыс гажлун сідзи эз и су.
«Локті эськө водзджык, кад кө вөлі»,—
Нывлы өні тадзи он нин шу.

Қильчө вылын Наста мыччис кисьыс
Васьонимлы адрестөм конверт —
Дженьыдик, но виччысяна письмө,
Олялөн көн посни гижөд-сер:
«...Места вывсянь юрта ме ставсө,
Өні сөмын кык кыв пасья тэд:
Радейтан кө — нөрөвитлы, Васьө,
Верөс сайө таво ог на пет...»

1977



Юкөн нимъяс

Пөртмась, чужан му!	3
Мед пыр лоас шонді	24
Лача	37
Туйвежъяс. Поэма	54

Виктор Егорович Напалков

РАСПУТЬЯ

Стихотворения, поэма

Художник **В. Р. Ермолин.**

Редактор **В. А. Попов.** Художественный редактор
В. Б. Осипов. Технический редактор **А. Н. Вишнева.**
Корректоры **А. А. Надуткина, М. М. Дейнега.**

ИБ 964.

Сдано в набор 12.12.85. Подписано в печать 20.02.86. Ц01070.
Формат 70×90^{1/32} Бумага № 1. Гарнитура «Литературная». Печать высокая. Усл. печ. л. 2,93; усл. кр.-отт. 3,11;
уч.-изд. л. 3,2. Тираж 3000. Заказ № 2413. Цена 30 коп.
Коми книжное издательство. 167610, г. Сыктывкар, ул. Карла Маркса, 229.

Республиканская типография Государственного комитета
Коми АССР по делам издательств, полиграфии и книжной
торговли. 167610, г. Сыктывкар, ул. Первомайская, 70.



Виктор Напалков чужис 1938 вося июнь 29 луно Куломдин районса Джеджим деревняын. Медым помавны сылы дас класс, ковмис велодчыны и Донын, и Керчомья — ын, и Куломдинын. Сэсся велодчис Ухтаса лесотехнической техникумын. Уджалис вöрын, а 1960 воын пырö уджавны Усть-Куломской районса «Вөр фронт» газетö ответственной секретарöн. Сийö кадсяньыс В. Напалков журналистской удж вылын — бöвлі редакторöн Коми радиоын, телевидениеын. 1964 восянь — СССР-ысь журналистяс Союза член. Öнi уджалö «Войвыв кодзув» журналын. Кывбурьясысь öтдор, В. Напалков гижис «Козьнав мортлы муслун», «Олісны-вылісны Вапöлын», «Томьяс» повестьяс.